



**ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ՆԵՐՔԻՆ ԳՈՐԾԵՐԻ
ՆԱԽԱՐԱՐՈՒԹՅՈՒՆ ՈՍՏԻԿԱՆՈՒԹՅԱՆ
ՊԱՐԵԿԱՅԻՆ ԾԱՌԱՅՈՒԹՅՈՒՆ**

0090, ք. Երևան, Շոպրոնի 77

N 9/8679

< 10 > 05 2023թ.

Վրեժ Վարդանյանին
Հասցե՝ ք. Երևան, Նուբարաշեն 2-րդ փող., 3 փուն

Ուղարկում եմ Ձեր դիմումի հիման վրա ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում իրականացված վարչական վարույթի արդյունքում թիվ 8300524067 և 8300524068 որոշումները բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Առդիր՝ <<3>> թերթ:

**Պերի պարտականությունների
ժամանակավոր կատարող,
ոստիկանության գնդապետ**

Ա. Մարժնոսյան

Կատ. Հ. Աբրահամյան

Ո Ր Ո Շ ՈՒ Մ

ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 06.04.2023թ-ին կայացված թիվ 8300524067 և 8300524068 որոշումները բեկանելու և վարչական իրավախախտման վերաբերյալ գործի վարույթը կարճելու մասին

<< 10 >> 05 2023թ.

ք.Երևան

ՀՀ ՆԳՆ ոստիկանության պարեկային ծառայության պետի պարտականությունների ժամանակավոր կատարող, ոստիկանության գնդապետ Ա. Մաթևոսյանս, վերանայելով Վրեժ Վարդանյանի (Ծանուցման հասցե՝ ք.Երևան, Նուբարաշեն 2-րդ փ., 3 տուն) (Այսուհետ՝ դիմող) 05.05.2023թ. դիմումի հիման վրա հարուցված վարչական բողոքարկման վարույթի նյութերը,

Պ Ա Ր Զ Ե Ց Ի

06.04.2023թ.-ին՝ ժամը 04:18-ին Երևան քաղաքի Ա.Խանջյան փողոցում դիմողի վարած «ՕՊԵԼ» մակնիշի 37 ML 895 հաշվառման համարանիշի տրանսպորտային միջոցը կանգնեցվել է ՀՀ ՆԳՆ ոստիկանության պարեկային ծառայության Երևան քաղաքի գնդի պարեկ Մարինե Հարությունյանի կողմից՝ օրենսդրությամբ սահմանված կարգով տեխնիկական զննություն չանցած տրանսպորտային միջոց վարելու համար: «Վարչական իրավախախտումների վերաբերյալ» ՀՀ օրենսգրքի 123.4-րդ հոդվածի 2-րդ մասի համաձայն կազմվել է վարչական իրավախախտման վերաբերյալ արձանագրություններ և կայացվել թիվ՝ 8300524065, 8300524067 և 8300524068 որոշումները:

Դիմողը 05.05.2023թ-ի դիմումով խնդրել է անվավեր ճանաչել պարեկային ծառայության վարչական իրավախախտման վերաբերյալ գործով 06.04.2023թ. կայացված թիվ 8300524067 և 8300524068 որոշումները, քանի որ իր նկատմամբ նույն փաստի վերաբերյալ կայացվել է թիվ 8300524065 որոշումը, որը վճարվել է իր կողմից 05.05.2023թ-ին և ներկայացրել է վճարման անդորրագրի պատճենը:

«Վարչարարության հիմունքների և վարչական վարույթի մասին» ՀՀ օրենքի 30-րդ հոդվածի 1-ին մասի «ա» կետի հիմքով ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում հարուցվել է վարչական բողոքարկման վարույթ:

Ղեկավարվելով «Վարչարարության հիմունքների և վարչական վարույթի մասին» ՀՀ օրենքի 37-րդ հոդվածի պահանջներով՝ քննության են առնվել իրավախախտման բոլոր, այդ թվում՝ դիմումատուի օգտին առկա փաստական հանգամանքները, ինչի արդյունքում պարզվել է, որ վարչական իրավախախտման վերաբերյալ գործով 06.04.2023թ-ին կայացված թիվ 8300524067 և 8300524068 որոշումները ենթակա են բեկանման՝ հետևյալ պատճառաբանությամբ.

Պարեկային ծառայողի կողմից տրված պարզաբանման համաձայն՝ Երևան քաղաքի Ա.Խանջյան փողոցում դիմողը «ՕՊԵԼ» մակնիշի 37 ML 895 հաշվառման համարանիշի տրանսպորտային միջոցը վարել է օրենսդրությամբ սահմանված կարգով տեխնիկական զննություն չանցած տրանսպորտային միջոց, որը հայտնաբերվել է դյուրակիր համակարգչի միջոցով, ինչի արդյունքում դյուրակիր համակարգչի միջոցով կազմել է վարչական իրավախախտման վերաբերյալ արձանագրություն, որը կապի միջոցների խափանման պաճառով չի կարողացել ավարտին հասցնել և փորձել է մի քանի անգամ, այնուհետև մի քանի փորձից հետո դյուրակիր համակարգչի միջոցով կայացրել է թիվ 8300524065 որոշումը, սակայն պարեկային ծառայողը տեղյակ չի եղել, որ թիվ 8300524067 և 8300524068 որոշումները նույնպես մուտք է եղել համակարգ:

Նման գործողություններով վարչական մարմինը խախտել է վարչարարության համաչափության սկզբունքը, համաձայն որի, վարչարարությունը պետք է ուղղված լինի Հայաստանի Հանրապետության Սահմանադրությամբ և օրենքներով հետապնդվող նպատակին և դրան հասնելու միջոցները պետք է լինեն պիտանի, անհրաժեշտ և չափավոր: Այսպիսով, անձին միևնույն արարքի համար կրկնակի պատասխանատվության ենթարկելը չի կարող համարվել չափավոր միջոց օրենքով հետապնդվող նպատակներին հասնելու համար:

«Վարչական իրավախախտումների վերաբերյալ» ՀՀ օրենսգրքի 247-րդ հոդվածի 8-րդ մասի համաձայն՝ վարչական իրավախախտման վերաբերյալ գործի վարույթը չի կարող սկսվել, իսկ սկսվածը ենթակա է կարճման, եթե կա վարչական պատասխանատվության ենթարկվող անձի նկատմամբ վարչական տույժ նշանակելու մասին իրավասու մարմնի (պաշտոնատար անձի) որոշման առկայությունը նույն փաստի վերաբերյալ, կամ ընկերական դատարանի չբեկանված որոշման առկայությունը, եթե նյութերը ընկերական դատարանին են հանձնվել տվյալ գործով վարչական տույժ նշանակելու իրավունք ունեցող մարմնի (պաշտոնատար անձի) կողմից, կամ վարչական իրավախախտման վերաբերյալ գործը կարճելու մասին չբեկանված որոշման առկայությունը, ինչպես նաև տվյալ փաստով քրեական գործի առկայությունը:

«Վարչական իրավախախտումների վերաբերյալ» ՀՀ օրենսգրքի 251-րդ հոդվածի համաձայն՝ վարչական իրավախախտման վերաբերյալ գործի ապացույցներ են համարվում ցանկացած այն փաստական տվյալները, որոնց հիման վրա օրենքով սահմանված կարգով մարմինները (պաշտոնատար անձինք) հաստատում են վարչական իրավախախտման առկայությունը կամ բացակայությունը, տվյալ անձի մեղավորությունը այն կատարելու մեջ և գործի ճիշտ լուծման համար նշանակություն ունեցող այլ հանգամանքներ:

«Վարչական իրավախախտումների վերաբերյալ» ՀՀ օրենսգրքի 252-րդ հոդվածի համաձայն՝ մարմինը (պաշտոնատար անձը) ապացույցները գնահատում է իր ներքին համոզմունքով, որը հիմնված է գործի՝ իրենց ամբողջությամբ վերցված բոլոր հանգամանքների համակողմանի, լրիվ և օբյեկտիվ հետազոտման վրա, ղեկավարվելով օրենքով և սոցիալիստական իրավագիտակցությամբ:

Այսպիսով՝ ելնելով վերոգրյալից և ղեկավարվելով «Վարչական իրավախախտումների վերաբերյալ» ՀՀ օրենսգրքի 293-րդ հոդվածի 1-ին մասի 1-ին և 3-րդ կետերով՝

Ո Ր Ո Շ Ե Ց Ի

1. ՀՀ ՆԳՆ ոստիկանության պարեկային ծառայության վարչական իրավախախտման վերաբերյալ գործով 06.04.2023թ-ին կայացված թիվ 8300524067 և 8300524068 որոշումները բեկանել և վարչական իրավախախտման վերաբերյալ գործի վարույթը կարճել:

2. Սույն որոշումն ուժի մեջ է մտնում հանձնելու օրվան հաջորդող օրը և կարող է բողոքարկվել ՀՀ վարչական դատարան օրենքով սահմանված կարգով և ժամկետներում:

3. Սույն որոշման օրինակն ուղարկել դիմողին և ՀՀ ՆԳՆ ոստիկանության պարեկային ծառայության Երևան քաղաքի գունդ:

**Պեպի պարտականությունների
ժամանակավոր կադարող,
ոստիկանության գնդապետ՝**



Ա. Մաթևոսյան

Հանձնարվում է օրինակներ տրամադրել ՀՀ ՆԳՆ ոստիկանության պարեկային ծառայության վարչական բողոքների քննության բաժանմունքում իրականացված վարչական վարույթի արդյունքում թիվ 8300524067 և 8300524068 որոշումները բեկանելու և վարչական իրավախախտման վերաբերյալ գործի վարույթը կարճելու մասին որոշման օրինակը:

Ստորագրող՝ «3» բնիք:

**Պեպի պարտականությունների
ժամանակավոր կադարող,
ոստիկանության գնդապետ՝**

Կատ. Հ. Արմատյան